

*2^r

Dem Durchleuchtigen Hochgebornen Fürften vnd
Herrn/ Herren Wilhelmen/ Printzen zu Vranien/ Graffen zu
Naffawe/ Catzenelenbogen/ Vianden vnd Dietz/ 7c. Herrn zu
Breda/ Dieft/ Arley/ Warnefton/ Rumpft vnd Grym-
bergen/ Vicegraffen zu Byfantz vnd Antorff/ 7c.
meinem gnedigen Herrn.

DVrchleuchtiger/ Hochgeborner Fürft/
Gnediger Herr/ Der Hochlößlich Keyfer Jufti-
nian/ gibt in feiner Vorrede difer vier Rechts an-
fangs vnnnd Vnderweifungs Bücher/ vnder an-
dern zuuerftehen/ vnnnd zeygt an/ daß er die felbige der Ju-
gent/ fo das Recht anfänglich lernen/ vnd darnach in der Re-
gierung brauchen fol/ zu güttem/ gantz einfältiger fchlechter
weife/ hab ftellen vnd befchreiben laffen/ der meynung/ vnnnd
herrlicher vertröftung/ wann fie darinn wol vnderwiefen/
vnd geübt feien/ daß fie als dann volgendts inn feinem vnnnd
gantzem Römifchen Reich an enden vnd orten/ da jrer von
nöten/ zu der Regierung gezogen vnd gebraucht werden fol-
len. Dann es zwar ein geringer nutz were/ wann mann der
Rechtsbücher fchon vil hette/ fchribe/ lese/ vnnnd lernet/ wann
fie zu dem/ darumb fie gefchriben/ gelernet vnd gelesen/ fortan
nit auch gebraucht werden folten/ Nämlich zubefürderung/
pflantzung/ vnd erhaltung des Rechtens vnd der Gerechtig-
keyt/ darauß dann volget/ vnd erwächßt rüwe/ frid vnnnd ey-
nigkeyt/ wie folches fürnemlich mit difem feinen Rechtspruch
gemeynet würt/ Parum eft ius in Ciuitate elle, nifi fint qui admini-
ftrent. Nun ifts aber offenbar/ daß niemandt das Recht vnd
Gerechtigkeyt zugebrauchen/ zubefördern/ zupflantzen/ zuer-
halten/ vnd zuhandhaben/ fo hoch gebürt/ als der Oberkeyt/
Keyfer/ Königen/ Fürften vnd Herrn/ fo Land vnnnd Leut zu
Regiern/ Ampt zubeftellen/ vnd die Gericht zuuerwalten ha-
ben. Denen allen ift fonderlich vnnnd fürnemlich das Recht
vnd die Gerechtigkeyt von Gott beuolhen/ vertrawet/ vnd
in die hand gegeben/ daß fie es wiffen/ verftehen vnnnd brau-
chen follten/ Vnd wie alle Menfchen auff Erden/ ein jeder et-
wann zu einem befondern Handtwerck oder Kunft von der
Jugent auffgezogen vnd gehalten würt/ damit er fein leben-
lang vmbgehet vnd zufchaffen hat/ fich des befleißet vñ helt/
Alfo fol der Fürften vnd Herrn/ fo Land vnd Leut zu Regirn

*2^v

Regifter.

haben/ fürnembft werck fein/ das Recht vnnd Gerechtigkeit
 üben/ ſchützen vnd handhaben/ die Ampt vnd Gericht der
 maffen befetzen (dieweil ſie nit alles felbs außrichten können)
 daß meniglich Recht widerfaren möge/ vnd ſich niemandts
 Vnrechtens oder Vergwaltigung zubeklagen habe/ Difem
 Fürftlichen Ampt vnd werck zu dienft vnnd güttem/ hat der
 löblich Keyfer Juftinian die vier Büchlin Inftitutionum auß
 groffer wolmeynung vnd fonderlicher Vorbetrachtung der
 Jugent vnd Regierung zu nutz durch feinen fürnembften ge
 lertelten Rath Tribunianum ftellen/ vnnd inn das gantz Rö
 miſch Reich Publiciern vnd außgehen laffen/ dem anfang vn
 grundt der Fürftlichen Kunft/ des Rechtens vnd Gerechtig
 keyt/ als von der Wiegen her darauß zuſchöpfen vnd zuler
 nen/ Darumb zwar niemandt die ſelben für geringe anfehen/
 oder verachten/ Sondern vil mehr vmb jrer fonderlichen ga
 ben/ vnd nutztes willen/ ſie billich hoch vnd werdt halten ſol/
 Dann vil güter Rechts lere vnd Regel darinn begriffen vnd
 angezeyget ſeind/ Als/ daß die Enckeln den Anherrn inn die
 Stämme/ vnd nit in die Haupter Erben/ vnnd dergleichen
 vil andere mehr/ hie zulang zuerholen. Dieweil dann der Kei
 ſer Juftinian an ſtatt einer fonderlichen verehrung vnnd
 treflichen Kleynots/ diſe ſeine vier Büchlin/ das Fürftliche
 Ampt/ werck vnnd kunft des Rechtens vnnd der Gerechtig
 keyt darauß zulernen vnd faffen/ der Jugent anfenglich für
 gelegt vnd geſchenckt hat/ Deßgleichen nachuolgendts der
 Keyfer Lotharius Saxo/ ein befonderer liebhaber vnd be
 fürderer des Rechtens/ die ſelben Büchlin Inftitutionum/ ſo
 etliche Jar durch die vorgehende Krieg vngeacht verlegen
 waren/ zu feiner zeit auch wider herfür bracht/ vnnd der Ju
 gent fürgelegt hat/ als zu erhaltung Rechtens vnnd der Ge
 rechtigkeit dienlich/ nützlich/ vnd notwendig/ Wer wolt daß
 ſo grob vnd vnuerftendig ſein/ vnd ſagen/ daß diſe Büchlin/
 ob ſie wol klein vnd geringe anzufehen/ als der Jugent vnnd
 Regierung vndienlich/ zuuerachten oder zuuerwerffen ſeien?
 Ja es ſol jederman billich/ vnnd fonderlich die Jungen Für
 ſten vnd Herrn/ ſo zu der Regierung geborn vnnd verordnet/
 dem hochlöblichen Keyfer Juftinian für ſolich edel geſchenck
 vnd Kleynot groffen danck ſagen/ vnd feiner vermanung fol
 gen/ daß ſie in ſtudierung vnnd faffung diſer Rechts Vnder

weifung/ vnd Fürften kunft/ fich also fleiffig vnd willig erzey-
gen vnd anfhicken/ daß fie dardurch von Jugent auff zu der
Regie^r

*3^r

Vorrede.

Regierung/ als jrem von Gott befohlenem Ampt vnd werck
 tiglich vnnd gefchickt werden/ das Recht vnnd Gerechtig-
 keyt pflantzen/ befördern/ vnnd erhalten helffen/ wie fie vor
 Gott ſchuldig ſeind/ vnd jnen zum höchſten auferlegt vnnd
 beuolhen iſt/ wölln fie anders der bedrawten ſtraffe entflie-
 hen/ vnd des Segens theylhaftig werden/ welche Gott bey
 de/ den Fürſten vnd Herrn durch den Mundt des weiſen Kö-
 nigs Salomonis verkündigen vnd anzeygen läßt/ Nämlich/
 da er ſpricht: Ein Fürſt/ welcher ſeinen Vnderthanen das
 Recht aufrichtig vnd warhaftig mittheylet/ vnnd widerfa-
 ren läßt/ des ſtüle vnd ſitz ſol feſt beſtehen/ vnd als je mehr zū-
 nemen/ Aber Hinwiderumb den Fürſten/ welcher vnrecht
 thut/ betrug/ vnd gewalt übet/ würt der Herr von ſeinem Re-
 giment verſtoffen/ Vnd kompt alſo ein Reich von einem vol-
 cke/ zu dem andern/ 7c. Darumb hat zwar der Keyſer Juſtini-
 an nit alleyn als ein mächtiger Weltlicher weiſer Fürſt/ ſon-
 dern auch als ein Gottfürchtiger/ Chriſtlicher Keyſer diſe
 Anleytung vnd Vnderweyfung des Rechtens der Jugent zū
 bereyten laſſen/ auff daß fie zu ſolicher Fürſtlichen Tugent/
 Ampt/ Kunſt/ vnd Werck erzogen/ vn̄ in Verwaltung Rech-
 tens vnd der Gerechtigkeyt/ in diſem eufferlichen gemeynen
 leben/ die Gotfeligkeyt befördert/ fride/ vnd rüwe/ vnd eynig-
 keyt erhalten werden möcht/ Vmb welches willen ich dann
 auch diſe arbeyt fürgenommen/ ſolche vier Büchlin Inſtitu-
 tionum zuuerſtehen/ vnd mit kurtzen gründtlichen Sum-
 marien der Titel vnd Paragraphen außzulegen/ wil ſolches
 mit der zeit/ wo ich lebe/ verbefſern/ Jetzundt aber diſe meine
 arbeyt/ Ewer F. Gnaden/ als einem Jungen angehenden re-
 gierenden Fürſten zu Ehren/ in ſonderheyt Dedicirt vnnd
 zūgeſtellet haben/ mit vndertheniger bitt/ Ewer F. Gnade
 wolt ſolichs Büchlin inn Genaden annemen/ vnnd etwann
 zu gelegener müſſiger zeit leſen/ werden Ewer F. Gnaden da-
 rinn fürnemlich dreierley befinden/ Erſtlich/ was bei den al-
 ten Keyſern im Römifchen Reich/ Recht/ vnnd im brauch ge-
 welen. Zum andern/ was darnach geändert/ abgeſchaffet
 vnnd verbefſert worden iſt. Zum dritten/ was nun hinfür
 Recht ſein/ gebraucht/ erkandt/ vnnd gehalten werden ſol/
 Wo ſolcher dreier puncten hierinn fleißig acht genom̄en/ iſt
 die gantz materi diſer vier Büchlin/ deſto leichter zuuerſte-

hen vnd zubegreifen. Thue Ewer F. Gnaden mich hiemit

* iij

*3^v

Regifter.

inn vnderthenigkeyt beuelhen. Datum Dillenburg am er^{sten}
ften tage Septembris/ Anno/ 7c. LI.

Ewer F. Gnaden

vndertheniger

Juftinus Gobler von Sanct
Gewere/ der Rechten Do-
ctor/ 7c.